

«16» հոկտեմբերի 2018թ.

ք. Երևան

Հայաստանի Հանրապետության պետական եկամուտների կոմիտեի Արարատյան մաքսատուն-վարչության պետ Զավեն Հակոբյանս, ուսումնասիրելով «ԵՎՐՈՔԻՄ» ՍՊ ընկերության (ՀՎՀՀ 02268909, հասցե՝ ք. Երևան, Արշակունյաց պող. 53/24, պետական գրանցման համար՝ 269.110.953839) կողմից հայտարարագրված ապրանքների մաքսային ձևակերպման փաստաթղթերը.

Պ Ա Ր Զ Ե Ց Ի

«ԵՎՐՈՔԻՄ» ՍՊ ընկերության կողմից թիվ 05100010/220817/0015973 ապրանքների հայտարարագրով «Ներքին սպառման համար բացթողում» մաքսային ընթացակարգով հայտարարագրվել են ԱՏԳ ԱԱ 3906 ծածկագրին դասվող ապրանքներ: Նշված հայտարարագրերի համաձայն ԱԱՀ-ի վճարումը հետաձգվել է մեկ տարի ժամկետով՝ մինչև 22.08.2018 թվականը, սակայն ընկերության կողմից ԱԱՀ-ի վճարումը սահմանված ժամկետում չի կատարվել:

ՀՀ ՊԵԿ Արարատյան մաքսատուն-վարչության ԳՀՀ բաժնի կողմից 17.09.2018 թվականին տրված տեղեկանքի համաձայն՝ «ԵՎՐՈՔԻՄ» ՍՊ ընկերության ԱԱՀ-ի գծով բռնագանձման ենթակա գումարը կազմում է ընդհանուր 87,984 ՀՀ դրամ, որից ԱԱՀ-ի ապառք՝ 86,301 ՀՀ դրամ, տույժ՝ 1,683 ՀՀ դրամ:

Նշված փաստի առթիվ ՀՀ ՊԵԿ Արարատյան մաքսատուն-վարչությունում հարուցվել է վարչական վարույթ «ԵՎՐՈՔԻՄ» ՍՊ ընկերության կողմից վճարման ենթակա մաքսային վճարների գանձման նպատակով, ինչի առթիվ 2018 թվականի հոկտեմբերի 16-ին ժամը 12:00-ին հրավիրվել են լսումներ, որի մասին պատշաճ կարգով ընկերության տնօրենը ծանուցվել է, սակայն չի ապահովել ընկերության ներկայացուցչի մասնակցությունը հրավիրված լսմանը, ինչպես նաև գրավոր որևէ բացատրություն կամ դիրքորոշում չի ներկայացրել:

ՀՀ Սահմանադրության 60-րդ հոդվածի 8-րդ մասը սահմանում է, որ յուրաքանչյուր ոք պարտավոր է մուծել օրենքին համապատասխան սահմանված հարկեր, տուրքեր, կատարել պետական կամ համայնքային բյուջե մուտքագրվող պարտադիր այլ վճարումներ:

Իրավահարաբերության պահին գործող «Ավելացված արժեքի հարկի մասին» ՀՀ օրենքի 6-րդ հոդվածի 4-րդ մասի համաձայն՝ ԱԱՀ-ով հարկվող գործարքներ (գործառնություններ) են համարվում՝ «Բաց թողնում՝ ներքին սպառման համար» մաքսային ընթացակարգով ապրանքների ներմուծումը, բացառությամբ օրենքով նախատեսված դեպքերի:

Նույն օրենքի 21-րդ հոդվածի համաձայն՝ Հայաստանի Հանրապետություն ապրանքների ներմուծման դեպքում (բացառությամբ ԵՏՄ անդամ պետություններից կատարվող ներմուծման դեպքերի) մաքսային մարմինների կողմից ԱԱՀ-ի հաշվարկումը և գանձումը հիմնավորվում է մաքսային ձևակերպման ժամանակ լրացվող մաքսային հայտարարագրերով և վճարային փաստաթղթերով (վճարման հանձնարարագիր, անդորրագիր կամ վճարումը հաստատող այլ փաստաթղթեր):

Նույն օրենքի 6.1-րդ կետի 1-ին մասի 2-րդ պարբերության համաձայն՝ ԱԱՀ վճարողների կողմից ԱՏԳԱԱ 250510, 250900, 251820, 2836, 3901, 3902, 3903, 3904, 3905, 3906 ծածկագրերին դասվող ապրանքների մասով հաշվարկված ԱԱՀ-ի

գումարները պետական բյուջե վճարման ժամկետը հետաձգվում է հայտարարագրման օրվանից մեկ տարի ժամկետով:

Նույն մասի 5-րդ պարբերության համաձայն՝ հետաձգված ԱԱՀ-ի գումարները ենթակա են վճարման պետական բյուջե մինչև ժամկետը լրանալու օրը:

Նույն հոդվածի 3-րդ մասը սահմանում է, որ հոդվածի առաջին և երկրորդ մասերով սահմանված ժամկետում ԱԱՀ-ի գումարները չվճարվելու դեպքում օրենքով սահմանված տույժերի հաշվարկումը և այդ գումարների նկատմամբ հսկողությունն իրականացնում է մաքսային մարմինը:

ՀՀ հարկային օրենսգրքի 401-րդ հոդվածի 1-ին մասի համաձայն՝ հարկի վճարումը սահմանված ժամկետներից ուշացնելու դեպքում ժամկետանց յուրաքանչյուր օրվա համար հարկ վճարողը կամ հարկային գործակալը վճարում է տույժ՝ 0.075 տոկոսի չափով:

Նույն հոդվածի 2-րդ մասի համաձայն՝ նույն հոդվածի 1-ին մասով սահմանված տույժը կիրառվում է ժամանակին չմուծված հարկի գումարի (այդ թվում՝ հարկային հարաբերությունները կարգավորող իրավական ակտերով սահմանված դեպքերում՝ հարկային գործակալի կողմից չվճարված), հարկերի կանխավճարային գումարների, հարկային հսկողության արդյունքներով հայտնաբերված (պակաս ցույց տրված) հարկման օբյեկտի գծով հարկի գումարի նկատմամբ՝ դրանց վճարման ժամկետից անցած ամբողջ ժամանակաշրջանի համար, բայց ոչ ավելի, քան 730 օրվա համար:

«Մաքսային կարգավորման մասին» ՀՀ օրենքի 114-րդ հոդվածի 1-ին մասի համաձայն՝ մաքսատուրքի, հարկերի՝ դրանց գծով տույժերի, տոկոսների վճարման պարտավորությունը սույն օրենքով սահմանված կարգով և ժամկետում չկատարելու դեպքում դրանց բռնագանձումը մաքսային մարմինների կողմից իրականացվում է օրենքով սահմանված կարգով՝ մաքսատուրք, հարկեր վճարողի միջոցների կամ այն ապրանքների արժեքի հաշվին, որոնց համար մաքսատուրքերը, հարկերը չեն վճարվել:

Հիմք ընդունելով վերոգրյալը և ղեկավարվելով ՀՀ Սահմանադրությամբ, «Մաքսային կարգավորման մասին» ՀՀ օրենքով, «Ավելացված արժեքի հարկի մասին» ՀՀ օրենքով և «Վարչարարության հիմունքների և վարչական վարույթի մասին» ՀՀ օրենքի 7-րդ գլխի դրույթներով՝

Ո Ր Ո Շ Ե Ց Ի

1. «ԵՎՐՈՔԻՄ» ՍՊ ընկերությունից հօգուտ պետական բյուջեի բռնագանձել **87,984 ՀՀ դրամ**, որից ԱԱՀ-ի ապառք՝ 86,301 ՀՀ դրամ, տույժ՝ 1,683 ՀՀ դրամ:
2. Որոշման մասին օրենքով սահմանված կարգով տեղյակ պահել «ԵՎՐՈՔԻՄ» ՍՊ ընկերությանը:

Սույն որոշումն ուժի մեջ է մտնում դրա ընդունման մասին իրազեկելուն հաջորդող օրը և «Վարչարարության հիմունքների և վարչական վարույթի մասին» ՀՀ օրենքի 10-րդ գլխի նորմերին համապատասխան կարող է երկամսյա ժամկետում բողոքարկվել վերադատության կարգով կամ ՀՀ վարչական դատավարության օրենսգրքով սահմանված կարգով՝ վարչական դատարան:

Սույն որոշումը կամավոր չկատարվելու դեպքում այն կկատարվի «Դատական ակտերի հարկադիր կատարման ծառայության» միջոցով՝ պարտապահի հաշվին:

ԱՐԱՐԱՏՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏ



Զ. ՀԱԿՈԲՅԱՆ